

Manylion y CCS: (i'w hychwanegu gan bob CCS unigol)



Deddf Rheoli Llifogydd a Dŵr 2010

Atodlen 3 Draenio Cynaliadwy

Cais Cynllun Systemau Draenio Cynaliadwy (SuDS) i gael Cymeradwyaeth Corff Cymeradwyo SuDS (CCS) – Cymru



Canllawiau mewn perthynas â Chyngor Cyn Gwneud Cais a Chymeradwyaeth Cais Llawn ar gyfer SuDS mewn datblygiadau newydd, yn unol â Rheoliadau Draenio Cynaliadwy (Gweithdrefn Cymeradwyo a Mabwysiadu) (Cymru) 2018

Mae Atodlen 3 Deddf Rheoli Llifogydd a Dŵr 2010 (Deddf 2010) yn darparu fframwaith ar gyfer cymeradwyo a mabwysiadu systemau dŵr wyneb sy'n gwasanaethu datblygiadau newydd. Mae ceisiadau cynllun Systemau Draenio Cynaliadwy (SuDS) ai gael cymeradwyaeth gan y Corff Cymeradwyo SuDS (CCS) yn ofyniad statudol yng Nghymru.

Rhaid i ymgeiswyr lynu wrth y canlynol:

- [Safonau Cenedlaethol Statudol ar gyfer Systemau Draenio Cynaliadwy \(SuDS\) ar gyfer Cymru;](#)
- [Offerynnau Statudol;](#) a
- Pholisi Awdurdod Lleol

Nodir strwythur ceisiadau'r cynllun SuDS isod:

Canllawiau ar gyfer Gwneud Ceisiadau SuDS i gael Cymeradwyaeth CCS	<i>(Dogfen ganllawiau)</i>
Ffurflen Cyn Gwneud Cais	<i>(I'w chwblhau a'i dychwelyd)</i>

<p><u>Canllawiau ar Gwblhau'r Ffurflen Cyn Gwneud Cais</u> <\\corp.conwy.gov.uk\data\LD\Translators\1 Gwaith Cyfieithu\2018 Conwy\11 Tachwedd 2018\Einir H\Pre-App Form FINAL Version 05_11_18.docx> - gan gynnwys gwybodaeth a thystiolaeth benodol sy'n ofynnol i gefnogi'r cais.</p>	<p>(Canllawiau)</p>
<p><u>Ffurflen Cais Llawn</u></p>	<p>(I'w chwblhau a'i dychwelyd)</p>
<p><u>Canllawiau ar Gwblhau'r Ffurflen Cais Llawn</u> <\\corp.conwy.gov.uk\data\LD\Translators\1 Gwaith Cyfieithu\2018 Conwy\11 Tachwedd 2018\Einir H\Full App Form FINAL Version 05_11_18.docx> - gan gynnwys gwybodaeth a thystiolaeth benodol sy'n ofynnol i gefnogi'r cais.</p>	<p>(Canllawiau)</p>
<p><u>Ffurflen Gais am Gymeradwyaeth ar gyfer y Manylion sy'n Ofynnol yn ôl yr Amodau</u></p>	<p>(I'w chwblhau a'i dychwelyd)</p>

(Defnyddiwch yr hyperddolenni uchod i fynd at y Ffurflenni a'r Canllawiau penodol.)

Rhaid cyflwyno ceisiadau'n defnyddio'r ffurflenni **Cyn Gwneud Cais** a **Chais Llawn** a ddarperir gan y CCS. **MAE DEFNYDDIO'R FFURFLENNI HYN YN ORFODOL** gan eu bod wedi'u datblygu i sicrhau bod eich cais yn rhoi sylw i'r gofynion statudol ar gyfer SuDS.

Ffurflenni i gael cymeradwyaeth CCS YN UNIG yw'r rhain, ac fe'ch cynghorir hefyd i ymgysylltu'n gynnar, ac yn uniongyrchol, â'r Awdurdod Cynllunio Lleol (ACLI) a phob sefydliad perthnasol arall allai fod â diddordeb yn eich cynnig am gynllun SuDS, gan gynnwys ymgynghoreion statudol y CCS a restrir isod:

- Ymgwymerwr carthffosiaeth;
- Cyfoeth Naturiol Cymru (CNC);
- Yr Awdurdod Priffyrdd;
- Glandŵr Cymru (yr Ymddiriedolaeth Camlesi ac Afonydd)
- Ardaloedd Draenio Mewnol (CNC).

Fe'ch cynghorir i gychwyn **trafodaethau ynghylch Cais Cyn Cynllunio** gyda'r ACLI ar y cyfle cyntaf, gan gynnal trafodaethau gyda'r CCS a'r ACLI ar yr un pryd.

Ni ddylai gwaith datblygu gychwyn ar safle hyd nes y rhoddwyd **Cymeradwyaeth Gynllunio** A **Chymeradwyaeth Llawn y CCS**.

Mae'n bwysig eich bod yn rhoi'r wybodaeth ddiweddaraf i swyddogion CCS a swyddogion cynllunio am gynnydd a phenderfyniadau mewn perthynas â'r cais

cynllunio a'r cais CCS, gan eu bod yn geisiadau ar wahân, ag iddynt ofynion, amserlenni a chyrff cymeradwyo gwahanol.

Fe'ch cynghorir yn gryf i gymryd rhan mewn **trafodaethau Cyn Gwneud Cais** gyda'r CCS wrth gychwyn dylunio eich cysyniad SuDS. Gall **trafodaethau Cyn Gwneud Cais** effeithiol ynghyd â llunio **Prif Gynllun** sicrhau strategaeth rheoli dŵr wyneb a dyluniad cynllun SuDS sy'n gadarn, yn gost effeithiol ac yn hyfyw. Gall CCS eich helpu i bennu'r ateb SuDS gorau posibl ar gyfer eich safle, drwy roi syniad cynnar o'r hyn sy'n cydymffurfio neu ddim yn cydymffurfio â'r **Safonau SuDS Cenedlaethol**.

Darparwch gymaint o wybodaeth dechnegol ag y bo modd i'r CCS i'w alluogi i roi ymateb ystyriol a rhesymegol yn y **cam Cyn Gwneud Cais a'r cam Cais Llawn**. H.y. po fwyaf o wybodaeth a ddarperir yn y **cam Cyn Gwneud Cais**, y mwyaf manwl fydd y cyngor technegol y gellir ei roi.

O ran yr asesiad draenio dŵr wyneb safle-benodol a'r gofynion SuDS, dylid eu hintegreiddio gyda'r **Asesiad o Ganlyniadau Llifogydd (FCA)**, a dylid darparu **Adroddiad Draenio Llifogydd a Dŵr Wyneb** i'r ACLI a'r CCS.

Gyda sylw penodol i'r **Ffurflen Cyn Gwneud Cais**:

- Gall y CCS godi **ffi Cyn Gwneud Cais**;
- I sicrhau **Cais Dilys**, [DYLID](#) ateb bob cwestiwn ar y ffurflen, a dylid darparu cymaint o wybodaeth ategol gychwynnol ag y bo modd fel y nodir yn y [Canllawiau ar Gwblhau'r Ffurflen Cyn Gwneud Cais](#);
- Dylai eich ymateb i gwestiynau adlewyrchu gofynion penodol y Safonau Cenedlaethol Statudol;
- Ar ôl i'ch ffurflen gais, ynghyd ag unrhyw ddeunydd ategol, gael ei chyflwyno'n gywir i'r CCS, bydd yn cael ei **dilysu**;
- Os ystyrir ei fod yn **Gais Dilys**, bydd eich cyflwyniad yn cael ei asesu'n dechnegol, a bydd swyddog CCS yn cysylltu â chi i gychwyn **trafodaethau Cyn Gwneud Cais**;
- Nid oes yna unrhyw amserlen statudol mewn perthynas â'r **Broses Gyn Gwneud Cais**. Mae hyn yn ei gwneud yn bosib treulio cyfnod priodol o amser yn trafod, yn datblygu ac yn cytuno ar eich cynigion o ran dyluniad eich cynllun SuDS (o'r cysyniad cynnar i'r dyluniad terfynol), ynghyd â materion cysylltiedig eraill, gyda swyddogion CCS, a hyn oll cyn cyflwyno eich Cais Llawn;
- I alluogi **trafodaethau Cyn Gwneud Cais** cynhyrchiol, mae'n bwysig eich bod yn darparu cymaint o wybodaeth dechnegol gychwynnol ag y gallwch chi mor fuan ag y bo modd yn y broses ddatblygu. Bydd hyn yn helpu cychwyn trafodaethau "penodol i'r datblygiad" ynghylch: pennu nodweddion y safle a'r datblygiad, is-ddalgylchoedd a llwybrau llif dŵr wyneb, ynghyd â dyluniad y cysyniad cyffredinol ac ati;

- Dylid cyfeirio at y dogfennau statudol a restrir yn y canllawiau hyn o'r cychwyn, a dylid rhoi ystyriaeth ofalus i hyfywedd y safle o ran derbyn cynllun SuDS priodol, cyn cyflwyno ffurflen **Cyn Gwneud Cais**; a
- Dylid cynnal yr holl drafodaethau technegol ac annhechnegol gyda'r CCS fel rhan o'r **cyfnod Cyn Gwneud Cais**, gan mai dim ond dan amgylchiadau eithriadol y bydd y CCS yn cysylltu â chi yn ystod ei asesiad o Gais Llawn am Gynllun SuDS.

Gyda sylw penodol i'r **Cais Llawn**:

- I sicrhau **Cais Dilys**, RHAID ateb bob cwestiwn ar y ffurflen, a RHAID cyflwyno'r HOLL ddeunydd ategol fel y nodir yn y [Canllawiau ar Gwblhau'r Ffurflen Cais Llawn](#) (neu fel y cytunwyd fel arall gyda'r CCS);
- Dylai eich ymateb i gwestiynau fod yn gynhwysfawr ac adlewyrchu gofynion penodol y Safonau Cenedlaethol Statudol;
- Ar ôl cyflwyno eich ffurflen gais ynghyd ag unrhyw ddeunydd ategol i'r CCS, bydd yn cael ei **dilysu**;
- **Sylwch: Os na chafodd y cwestiynau eu hateb fel y nodir ar y ffurflen ac yn ôl y gofynion uchod, bydd eich cais yn cael ei wrthod yn awtomatig;**
- Os ystyrir ei fod yn **gais dilys**, bydd eich cyflwyniad yn cael ei asesu'n dechnegol gan y CCS;
- Ar ôl derbyn **Cais Llawn am Gynllun SuDS**, bydd y CCS yn gwneud penderfyniad yn ei gylch ar sail y wybodaeth dechnegol ysgrifenedig a'r wybodaeth arall a gyflwynwyd gyda'r cais llawn yn unig;
- Dim ond dan amgylchiadau eithriadol y bydd y CCS ond yn cysylltu â chi yn ystod ei asesiad o **Gais Llawn am Gynllun SuDS**, felly mae'n hanfodol i bob parti ymdrin ag unrhyw ansicrwydd neu broblemau technegol fel rhan o'r broses Cyn Gwneud Cais, a chyn cyflwyno'r **Cais Llawn**;
- Yn unol â'r gofynion statudol, bydd y CCS yn eich hysbysu am ganlyniad ei asesiad technegol o'ch **Cais Llawn**; a
- Gellir **Cymeradwyo Cais Llawn** yn amodol ar **Amodau** neu gellir ei **Wrthod**, ac yn yr achos hwnnw fe'ch hysbysir am y rhesymau pam.

Dylai ymgeiswyr gyfeirio at ddogfennau cenedlaethol a lleol allweddol cyn ac yn ystod y broses o ddylunio'r cysyniad, llunio'r dyluniad manwl, ceisio cymeradwyaeth y CCS a'r ACLI, y gwaith adeiladu ac wrth fabwysiadu, gweithredu a chynnal a chadw'r cynllun SuDS. Mae'r rhain yn cynnwys:

- [Sustainable Drainage Systems \(SuDS\) Manual - \(CIRIA C753\)](#)
- [Nodyn Cyngor Technegol \(TAN\) 15: Datblygu a Pherygl o Lifogydd](#)
- [Development and Flood Risk Guidance for the Construction Industry – \(CIRIA 624\)](#)

- [Rainfall Run-off Management for Developments – Adroddiad Asiantaeth yr Amgylchedd sc030219](#)
- [Planning for SuDS - Making it Happen CIRIA C687](#)
- [Site Handbook for the Construction of SuDS - CIRIA C698](#)
- [Guidance on the Construction of SuDS 2017 \(C768\)](#)
- [BS 8582:2013 Code of practice for surface water management for development sites](#)
- [Infiltration Drainage - Manual of Good Practice \(CIRIA R156\)](#)
- [BRE Soakaway Design \(DG 365 – 2016\)](#)
- [Sewers for Adoption 7fed Argraffiad](#)
- [Sewers for Adoption 8fed Argraffiad \(Fersiwn Cyn Gweithredu\)](#)
- [Deddf Draenio Tir 1991](#)
- [Deddf Rheoli Llifogydd a Dŵr 2010 <<https://www.legislation.gov.uk/ukpga/2010/29/contents>>](#)
- (Pob CCS unigol i ychwanegu canllawiau lleol)

Fe'ch cynghorir hefyd i roi ystyriaeth lawn i'r canllawiau arferion gorau ar gyfer SuDS ynghyd â'r wybodaeth a gynhwysir ar wefannau [CIRIA](#), [Susdrain](#) a [SuDS Wales](#).

Pob CCS unigol i gynnwys Cwestiynau Cyffredin